

درگزرین بافت

راول راٹھ

درگزرین بافت

راول راٹھ

چائنہ پبلیکیشنز

دگرڑیں بانگ

راول راٹھ

(شاعری دا تیجا بھاگ)

چانن پبلیکیشنز

276a Soho Road, Birmingham, B21 9LZ UK

سبھے حق شاعر دے

پہلی وار:- جنوری 2020

مُل ڈیکس لائبریری ایڈیشن:- 200 روپے

لکھ پنا:- کمپیوٹر جی

چانن پبلی کیشنز

B21 9LZ سوہورڈ، ہینڈ ڈور تھ برمنگھم انگلینڈ

Dragreen Bang

(Punjabi Poetry)

by **Rawal Rath**

Mob: 00447861751122 or Tel: 00441215515667

Price Rs, 200 or £10

First Edition: Jan 2020

Chanan Publications

276a Soho Road, Handsworth, Birmingham B21 9LZ UK

email: rawalgrafix@hotmail.co.uk

انتساب

”اوہناں اکھراں دے ناں
جیہناں نوں میں ترتیب دیندا ریہا
تے اوہ ہتھ بنھ کے کھڑے رہے“

صوفی تے مزاحمتی رنگ ناشاعر۔ راول راٹھ

پنجابی شاعری چ صوفیانہ روایت جتنی پرانی ایں، مزاحمتی رنگ بی اتنا ہی پرانا ویں۔ کسے زبان نا کوئی بی صوفی شاعر اپنے دور نے بادشاہ توں گھن کے اس نے درباریاں، دربار چ بہہ کے لوکاں نے خلاف فیصلے دین آ لے قاضیاں تے اس نی فوج آں کدے بی پسند نہیں آیا۔ آوے بی کیوں کہ اوہ تاں حق نی گل کرینا، لوکاں نی ذات، مذہب تے فرقے توں زیادہ اوہناں نی زندگی نال جڑیاں مصیبتاں نی گل کرینا تے صدیاں نے ہنیرے چ دے اوہناں بے علماں نی گل کرینا جنہاں کولوں ہر گاہ گت تے اگلوٹھا لویا ویں پرا یہہ نہیں دساوینا جے اس کا گتے تے لکھاویا کیہ اے۔

انک تے اُس نے آس پاس کھلے وئے علاقے، فتح جنگ، تلہ گنگ، پنڈی گھیب، کھوڑ تے بسال نے رہائشی بی صدیاں توں اپنے آس پاس لکیاں ویاں غریبی، ان پڑھی تے جاگیر داری نیاں گاڑاں تے ٹھڈے پئے کھانے نوں۔ اوہناں ایہہ گل تاں کوئی نہیں دسنا کہ ”مزوراں نی مزوری اوہناں نا پرسیو سکے توں پہلوں دتی وینی اے۔“ پرے ضرور سکھایا ویں کہ تساں نال خان تے چوہدری تساں تے جیہڑا ظلم پئے کرینے نوں ایہہ تساں نی قسمت چ لکھ دتا گیا۔ تساں جیہڑا ٹھڈا، بیہاتے آکڑا ویں ملنا پیا اُساں پانیہ چ سے کے کھاؤ تے رب ناشکر کرو۔ اوہناں ایہہ بی کوئی نہیں دسنا کہ جیہڑیاں زمیناں تے تسیں تے تساں نے دادے پڑ دادے صدیاں توں ڈنگراں نال رل کے ہل پئے واہنے نوں تے اس چوں نکلیاں ویاں نعمتاں اپنے مالکاں پئے کھوانے نوں اوہناں ناں اصل مالک کوئی چوہدری، خان تے وڈیرہ نہیں بلکہ خدا توں بعد اوہ مزور اُن جیہڑے ساری دھیڑی دھپاں چ سڑ کے تے ساری رات سیئے چ ٹھڑ کے اوہناں نعمتاں نی راکھی کرنے نوں۔

اساں نی بد نصیبی کہ اسیں جس علاقے چ وڈے ہوئے آں اوہ بارانی علاقہ اے۔ جے مینہ وس ونجے تاں کنک ہو

وینی اے نہیں تاں دھندلا تے سوچل بی نظر نہیں آنی تے کہیں پاسے کوئی ہو رساگ دِ سناوے جساں رن کے ڈھڈے
 نی اگ بھائی ونجے۔ نہ تے کوئی کارخانہ ویں، نہ کوئی مل تے نہ کوئی کم کار، جے فوج نی نوکری بی نہ ہونی تاں شیت اس
 علاقے نے جوان دوپاں کولوں صدیاں پچھے ہونے۔ اس علاقے نے جواناں جتھے فوج نی نوکری نے ہو رہے
 فائدے ہوئے نوں اتھے اوہناں جنرل ٹکا خان، جنرل جہاندا خان، میجر احتشام ضمیر تے ہو رکئی اجے ریٹائرڈ جنرل
 بی ملے نوں جیہڑے اوہناں نے ہیر و بن گئے۔ مزے نی گل اے نوکری نے دوران اوہناں جیہڑے ہیر و ریٹائرڈ
 ہونے توں بعد اوہناں جس ویلے سیاست، کاروبار یا سماجی کماں چ پیہر رکھا تاں اوہ ہو رہی وڈے ہیر و بن گئے پرے
 ایہناں جواناں کہیں ایہہ گل دسی ای نہیں کہ تہاں نے علاقے چ میجر احتشام ضمیر نے اباجی ضمیر جعفری بی رہنے اے
 جیہڑے صرف فوجی آفسر ای نہیں بلکہ بہوں وڈے لکھاری تے کمال نے شاعر اے۔ کرنل محمد خان بی اسے علاقے چ
 جمایا تے اس صوبے چ ہو رہی کئی ایہیے فوجی افسر جمے اے جہاں سوائے پڑھنے لکھنے تے لوکاں نی ماڑی حالت بدلنے
 نے ہو رکجے نہیں کیتا۔ اس علاقے نے جواناں کوئی اجیہا بندہ بی نہ لہا جیہڑا اوہناں غربی نادار و دسنا۔ جے خالی تے نی
 غربی ہونی تاں ویلا اوکھا سوکھا لگھ ای وینا، پرے جے ایہہ دے تے دماغے نی ہووے تاں حیاتی اجیہا بھار بن وینی
 اے جیہڑا امر نے توں چکچھوں ای سرے توں لہناوے۔

راول راٹھ ہوراں نے پاسے غربی غریباں نے قد اں کولوں بی گٹھ گٹھ اچی اے تے ان پڑھ پچیاں نی گستری
 گنتیاں گنتیاں پہاڑ ای ختم ہووینا۔ مکی پاسے نوٹاں نے تھبے لگے پئے نوں تے مکی پاسے کھانے واسے ساگ بی نہیں
 لہنا۔ راول راٹھ پہلے بی ایہناں گلاں نے خلاف ایہا پر جاں نابرطانیہ گیا تے اتھے نی ترقی ویکھیس تاں اُس ناؤکھ ہو
 بی ودھ گیا۔ کوئی منے یا نہ منے اساں ساریاں نی دشمن اوہا ہی طاقتاں نے جیہڑیاں راول راٹھ نی شاعری چ نظر آئیاں
 نوں۔

جیہڑے بندے ماہیہ ڈھولے گا کے تے سن کے خوش ہووینے نوں انہاں شیت راول نی شاعری چنگی نہ لگے پر حق
 گل ایہہ دے کہ ایہی شاعری آکھنا، پسند کرنا تے اس تے عمل کرنا بہوں اوکھا کم اے۔ ایہہ اوہ اوکھا، وکھراتے حوصلے
 ناکم ایں جیہڑا ہرجی کھنی نہیں کر سکنی کوئی ترقی پسند، سچا تے سچا بندہ ای کر سکاوے۔ کوئی بلھے، باہو، محمد بخش تے شاہ حسین

ناعاشق یا وارث شاہ تے گرو نانک نا فلسفہ سمجھنے آلا ای اس پڑے ج لہہ سکنا یا اوہا کر سکنا وے جیہڑا ساری دنیا نے بندیاں اوہناں نے عقیدیاں نی دور بین نال نہیں بلکہ انسانیت نی اکھیاں نال دیکھنا وے۔ بابا گرو نانک جی اوراں ایویں تاں نہیں آکھیا یا۔

اول اللہ نور اُپا قدرت کے سب بندے

ایک نور تے سب جگ اُپجا کون بھلے کومندے

بندیاں نی ایہہ تفریق دنیا نا کوئی بی عقیدہ نہیں کرینا پر آپنے آپنے عقیدے آں نہ سمجھنے آ لے یا اُساں آپنی لوڑاں مارے ور تنے آ لے کج لا لچی بندے دنیا تے وسنے بندیاں اوہناں نیاں چنگیاں عاداتاں نے بجائے رنگ، نسل، قوم تے علاقے نے سرے تے وڈنے نوں تاں ہزاراں مصیبتاں کھلیاں ہوویناں نوں۔ ایہہ نکلیاں نکلیاں لا لچاں تے کوچیاں سدھراں جس ویلے ہو روڈیاں تھینیاں تاں بندہ سوچن لگ پینا وے کہ میں آپنی علمی، جسمانی تے مالی طاقت نال ساری دنیا آپنے آنگن بنا گناں۔ جو کجہ میں سوچیناں ساری دنیا بی اوہا کجہ سوچے، جس عقیدے آں میں مننا واں ساری دنیا اُسے عقیدے آں منے، جیہڑا رنگ مانہہ پسند اے ساریاں نارنگ اوہا جی ہوونجے پرا بجا ہوئی نہیں سکنا۔ اس واسے کہ اس دھرتی تے چانے نال ہمیرا، خوشی نال غم، راتی نال دیہاڑ، عقلے نال بیوقوفی تے قبولیت نال انکار صدیاں توں آنا پیا وے تے صدیاں تک ٹرنا رہسی۔

جے کوئی بندہ ایہہ چاہنا وے کہ ساری دنیا مینڈے آنگن ہوونجے تاں تاں اُس ناہکا ای طریقہ وے کہ بندے نی زباناں چ مٹھاس آونجے تے اُس نے کنہیں کمیں کولوں کنہیں دوئے بندے یا جانورے آں نقصان نہ پہنچے پراسیں صاف دیکھنے پئے آں کہ دنیا نے وکھرے وکھرے علاقیاں چ وسنے پئے انسان آپنی طاقت نال دنیا نے کمزور انساناں آپنے جیہا بنانے نی کوشش وچ ارباں ڈال رخ چ پئے کرینے نوں تے کئی اتجے نوں جیہڑے آپنے عقیدے آں جیہاں نی شیرے تے چنگے عملاں نے بجائے بند و قلاں تے ہماں نال دنیا نے گلے چ پادنا چاہنے نوں جس نا نتیجہ ساریاں نے سامنے اے۔

راول راٹھ نی شاعری چ ”ملاں“ بارے کوئی گل ہووے تاں سننے آلیاں کوڑ چڑھوینی وے۔ پراوہناں عقل نے

انہیاں اس گل ناپتا نہیں کہ اُس فی نظراں چ ملا صرف مسلماناں نالماں نہیں جیہڑا مسیتیاں چ بہہ کے دوئے فرقیان،
 ذاتاں، عقیدیاں تے سوچاں نے خلاف فتوے دینا وے۔ اُس فی نظراں چ تاں یہودیاں نا ”ربی“ جیہڑا اسرائیل
 نے سینا گوگاں چ بہہ کے فلسطینیاں نے بچیاں نا قتل عام پیا کروینا وے، عیسائیاں نا پادری جیہڑا افریقانی ان پڑھ
 لوکائی چ انجیل نے نسخے ونڈ کے اوہناں نے قدرتی خزانیاں تے قبضہ کرنا رہیا، راشٹریہ سیوک سنگھ نا اوہ سادھو جیہڑا ہنو
 مان تے کالی ماتا نے نائیں تے مسلماناں تے دلتاں گٹ گٹ کے مارنا پیا وے اوہ بی اتنا ای ظالم اے جتنا کوئی ظالم
 ملاں ہو سکنا وے۔ دوئی گل ایہہ وے جے راول جیہڑا علاقے چ رہنا وے او تھے اجیہے بہوں گھٹ ملاں نوں
 جیہڑا لوکاں، غریباں، بڈھیاں، بچیاں تے جانوراں نے حقان بارے چ دسنے نوں۔ اوہناں چوں بہوں سارے
 تے اجیہے نوں جہاں آپنے عقیدے فی نہتاں کوئی وڈی کتاب پڑھی ہوئی اے تے نہ اس گلاں توں واقف ہونے نوں
 کہ خدا آپنے بندے آں اس دنیا تے اپنا نائب بنا کے بھیجا وے۔ پرے استھے اُس نے نائب نال جو کہ ہونا پیا اساں
 ویکھ کے فیض احمد فیض بی چپ نہیں رہ سکے۔

ربا سچیا توں تے آکھیا سی

جاوے بندیا جگ داشاہ ایں توں

ساڈیاں نعمتاں تیریاں دولتاں نیں

ساڈا نیب تے عالی جاہ ایں توں

ایس لارے تے ٹور کد کچھیا ای

کیہ ایس نمائے تے بیتیاں نے

کدی ساروی لئی آرب سائیاں

تیرے شاہ نال جگ کی کیتیاں نے

کتے دھونس دھنکار سرکار دی اے

کتے دھاندلی مال پٹواردی اے

ایویں ہڈاں ج کپے جان میری
جویں پھائی ج کونج کر لاؤندی اے
چنگا شاہ بنایا ای رب سائیاں
پولے لکھانڈیا وارنہ آؤندی اے

جتھے تک مانہہ پتاوے بارہویں صدی عیسوی نے زمانے ج درس نظامی واسے تیرہ وکھرے وکھرے علمی
موضوعات تے تقریباً 40 کتاباں پڑھائیاں وینیاں ایان۔ ایہناں کتاباں وچ جتھے فقہ، اصول فقہ، تفسیر تے حدیث
نیاں کتاباں شامل ایان او تھے ریاضی تے فلکیات نیاں کتاباں بی پڑھائیاں وینیاں ایان تے علم ہندسہ تے وی ہک
کتاب شامل ائی۔ پرے اسیں اج کل آپنے آس پاس نظر مارنے آں تاں آپنے گراواں ج بچیاں پڑھانے آلے اسی
فیصلہ لو انیاں کول اتنا علم نہیں جتنا ہونا ضروری سمجھاوینا ایان۔ اہجیاں پڑھیاں لکھیاں واسے ای تاں بلھے شاہ اوراں آکھا
آیا۔

میں پا پڑھیاں توں نساہاں
میں پا پڑھیاں توں نساہاں
عالم فاضل میرے بھائی
پا پڑھیاں میری عقل گوائی
دیوے عشق ہلارے
تاں میں دنا ہاں
میں پا پڑھیاں توں نساہاں
اچھے پا پڑھیاں مارے بلھے شاہ نا ایہہ مشہور تے سچا شعر ہک بہوں وڈی مثال اے۔ اوہ فرمیں دن۔
ملاں تے مشا پچی دوہاں اکوچت
لوکاں دسن چاننا آپ ہنیرے نت

بلھے شاہ فی شاعری نامطالعہ کرے تاں اساں بہوں سوکھی طراں پتا لگ وینا وے کہ مٹلاں تے عالم وچ کی فرق ہونا وے۔ تے نال ایہہ وہ چاٹنا ہونا وے کہ اُس دور نے صوفی شاعر کنیاں ملوانیاں کولوں زیادہ پڑھے لکھے ائے۔

علموں بس کریں ادیار

اکو الف تینوں درکار

پڑھ پڑھ مسئلے روز سنوایں

کھانا شک شبے دکھاویں

دسین ہور تے ہور کماویں

اندر کھوٹ، تے باہر سچا

علموں بس کریں ادیار

راول آں میں بہوں نیڑیوں ویکھیا اے۔ اس نیاں بہوں ساریاں خوبیاں وچوں ہک خوبی ایہہ بی اے کہ اُس خالی پنجابی نے صوفی شاعراں ناکلام ای نہیں پڑھا بلکہ سندھی زبان بی جاننا وے۔ اُس سندھی نے عظیم صوفی شاعر شاہ عبداللطیف بھٹائی تے شاہ کریم ناکلام بی نہ صرف پڑھا وے بلکہ اس ناترجمہ بی کیتا وے تے بہوں سوہنا کیتا وے۔ اُس اُساں پشتو نے صوفی شاعر ارحمن بابا، خوشحال خان خٹک تے قلندر مومند نال بی عقیدت اے تے بلوچی شاعر اناں بی اس فی سوچ تے فکر نا ڈھڈا سوہنا جوڑاے۔ مینڈے خیالے چ اس فی شاعری چ اور ساریاں علامتاں تے تشبیہاں ملنیاں نوں جھیریاں پاکستان نیاں قومی زبانان نے صوفی شاعر اں فی شاعری وچ نظر آنیاں نوں۔ اوہ جس ویلے حقیقی تے مجازی نیاں گلاں کرنا وے یا ملاں تے صوفی نا ذکر کرنا وے تے اس نے شعراں وچ فارسی، عربی، پنجابی، سندھی، پشتو تے بلوچی فی صوفیانہ شاعری نا اوہ نواں ڈھنگ بی نظری آنا وے جساں ہضم کرنا اوہناں بندیاں واسے بہوں اکھا ہو وینا وے جیہڑے صوفی شاعری فی پچھو کڑ توں لاعلم نوں۔

عثمان مروندی لعل شہباز قلندر اوراں آکھا ایتا۔

بیجا جاناں تماشا کن کہ درانبوہ جانبازاں

سلامت می رود خلقے ومن برداری رقصم

(آمینڈیا محبوبا، تماشا دیکھ کہ جان فدا کرن آلیاں نی بھٹراں وچ، ساری دنیا تاں سلامت وینی پئی اے پرے میں
ہکلا سولی تے چڑھ کے چننا پیاواں)

راول نی شاعری آں جے اسیں غور نال پڑھاں تاں اسماں اس نے ہر شعر چ اجیہاں ای گلاں ملنیاں نوں۔ ایہہ
وکھری گل اے کہ جس ویلے حضرت عثمان مروندی اوراں ایہہ شعر لکھا ایا اُس ویلے چ تے اج نے ویلے چ بہوں فرق
اے پرے سچیاں گلاں کرنے آلیاں ناز مانہ ان بی اتنا ای اوکھاوے جتنا اُس ویلے ایہا بلکہ ہن کجہ ہور بی اوکھا ہو گیا
وے۔

راول راٹھ نی شاعری اس نے پلے نی ڈکھتری بی اے جس بہوں سارے پرانے اکھر سانجھ گدے نوں۔
نویں نسل ایہناں اکھراں کولوں اس واسے بی ناواقف وے کہ نہ اُساں ہن بھکڑے ناکنڈا پڑناوے تے نہ سوچلاں نا
ساگ چنگا لگناوے، نہ اس نالہری توں پیر تلکناوے تے نہ اُساں داندلت مریناوے۔ وٹ بی اس نے کنیاں
گراواں چ نہ لگیاں پکیاں ہویاں نوں، نہ لوکاں نے پیراں چ پیراں اے تے پٹیاں ٹریکٹر تے نہ لگیاں چوں تلکھن مکی
وے۔

تو قیر چغتائی

شلوک

سچ لکھن دیاں سمیاں اندر جیہڑے جیہڑے سَستے
 اِنج دیاں علماں والیاں کولوں صفت اُچی وِچ گُتے

پنجاب دی دھرتی اُتے جاگن جاگن سارے سَستے
 نہیں تے من لے بُلھے والی گُتے ساتھوں اُتے

یاد تیری دے چرکھے کتاں اتے پونی کت نہ ہوئی
 متھے گٹھ چٹاخ بنالے اتے رکعت نماز نہ چھوئی

الف دیاں سب شکلاں راول ب توں ی دے تائیں
نقطہ مینوں سمجھ نہ آوے مورکھ بن گیا سائیں

غزنی تے ایہہ غورتی کافر اے نے قابض پنڈ تے
پہلیاں لاساں اے وی دسدیاں راول میری کنڈ تے

عشق دے ویہڑے بھنگڑے پائیے ملے نوں ترپائیے
چل گھٹ لاون میخانے نوں اس دی محفل لائیے

لوڑ اساڈی راول سائیاں پاٹیاں چار نے لیراں
اس دنیا توں خالی جانا تنگیاں یار فقیراں

مکھ توں پلا لاہیا راول گنکاں نے ہک دانے
اپنی گُن دی خاطر مینوں کڈھیا زور دھگانے

سیس نواناں ہور ہے راول سیس جھکانا ہور
عشق دی چوکھٹ سجدہ کرنا یار منانا ہور

ماڑا کدے نہ جانے بھانویں موہرے ہووے کوہڑھ
 رکھنی اکھ اچیری راول نیویں دیندی روہڑھ

روح دی تاکی گھلنی جد وی آپے ہی اڈجانا
 مرن تے راول کوڑ ہے سارا ملنا ہور ٹکانا

اتلی کوٹھی خالڑی تے لایے کنج گویر
 لیپ کریں نہ چیکنی دھپاں آئے تریر

گنی چاڑھی چلی راول چاڑھ کے رکھے وٹے
گلنے نی میں آس چہ بہہ کے سارے جیون کٹے

تختی لکھن گھلیا ای مینوں بن دوات تے قلموں
پنچے پڑھیاں راول جی نے بن نیتوں بن علموں

ایڈے نی بھنڈار کھلارے کیوں وشواش ہے سب تے
سچیاں لوکاں بھنگڑے پائے آٹے نی ہک لپ تے

ہر ہر ویلے ہر ہر جپنا ہر ویلے جد ہرنا
سکھ لے راول یار کچیا تلکن دے وچ ٹرنا

راہ سدھائیے انج نے راول ٹوہلدے وی کھٹ چاون
گھرے بنائیے پیڈے جیہڑے جھکھڑیں نہ مٹ جاون

پہنچ نہ ہو یا علماں کولوں خیبر والیاں رازاں
عشق دا کھٹنا اوکھا راول سوکھیاں فرض نمازاں

اساں موت تے پہرا دیوندے ساڈے قاتل پہریدار
 اساں ڈرنا ناہیں قبروں اسیں اوتھے وی سردار

پٹ چرایے یار منایے رنھ کے رکھئے کُٹا
 بن بانگوں تے راول سائیاں اُس دا گھر وی سُنّا

جیون دی معراج ہے راول کُوہڑوں پنچی ذات
 پاکی نہیں ہے نہاون دھوون پانی ہو برسات

بشر نے دسیا بشر نے سُنیا بشر ہی پان پواڑے
 شہہ رگ والا سندا خالی عرشیں بیٹھ کے ہاڑے

آپ گچھی ٹرن نہ ہووے کوسن بہہ گئی بھاگاں
 چنی جیہڑی پلے میرے اوہ وی بھری ہے داغاں

تیری کُن دی خاطر تنگڑے ہاڑ ہنڈایا صدیاں دا
 اوکھیاں راہواں دے وچ راول رُخ پرتایا ندیاں دا

دس کے یار سجاوٹ کرنی پر پئے گُترن پکھیاں نے
چالے دسنے خلقت والے سنگھیاں گھوپ کے رکھیاں نے

ہر گئی سی کنج راول سائیاں جُٹے بارش تیراں دی
ویکھی ستر توں کر بل دے جلی چک فقیراں دی

سانھن ویکھ مُصلا آیا کھڑک گئے جدگوڈے
رنگنز وچ درگڑیں روال وچھڑ گئے جیوں ٹوڈے

اُجڑیا گھر ہے تیرا راول ویٹھے دس دی کاہی
 نیندر دے وچ گھوک پیا ہیں یا فر ساوی لائی

اٹھ کھڑ راول بھنگڑے پا آئی رقص تیرے دی واری
 آگئی ملک موت جی ویٹھے ڈھولک ہے اس ماری

دیونہ ڈھلنا تے چڑھنا وے میں کد راول ڈھلنا پیاواں
 جھکڑاں نی توں رُتاں دس آ میں صدیاں توں بلنا پیاواں

منکے رولیاں پا نہیں ہونا قدرت والیاں رازاں
خالی جس دا کوٹھا راول اس دیاں خاک نمازاں

گھیرے کُفر دے خلقت ساری ویلا بانگ دا آیا
اُٹھیں پہل کریں توں راول غفلت قہر ہے ڈھایا

موڑ لے سارا کجھ توں اپنا چیرے تن لے جا
دُ لے بلھے والے گھنگرو اسی لینے آپ رکھا

میں تے قرض چڑھائے بھارے پڑھ پڑھ کلمے خاص
اوہدیاں موڑاں دیکھ توں راول کیڑیاں کھاہدے ماس

نہ نقطے نہ الف نوں پڑھیا جا منبریں اوہ چڑھیا
پے جس دے ککھ نہ راول لکھ فتویٰ اس مڑھیا

انھا کر وشواش توں بندیا نہ ناری نہ مٹی
نہ ہی ٹوہلیاں لبھدا راول نہ چرکھا نہ اٹی

عقل اوہدی نوں گٹیاں دسے مورکھ نہ شرمائے
 ادھی کد اوہ ناری جس نے نبی پیغمبر جائے

لوتھ اڈیکے وچ درگڑیں رازق ولوں کھاج
 لوڈھا ویلا تھی گیا راول کنی پئی نہ واج

راول ڈوبے یار کڑتن آپا کرے نہ پار
 علماں والے رہڑدے ویکھے تردے اوگن ہار

سپاں وانگوں کیلن آگئے جوگی کن پڑوا
جاگیں راول پھن کھلاریں دشمن ولے دھا

ہالی ساڈے فصلاں بچن آگئے نال بندو قے
بانساں نال اُگاؤن لگے بیریاں والے ڈو کے

ایہہ تاں کُوڑا چانن راول ہر دل دھوڑی ویہڑے
رانجھن نہیں ایہہ جوگی بلیا روپ وٹایا کھیڑے

پرہیا اندر کد سرداری کھٹدے لوک جو کُوڑے
پاہ پئیدی گھڑیاں اندر ریہہ جاندے جو بوڑے

سدھراں دی میں فصل ہے بیچی اتے گوڈی کرکر تھکی
صدیاں نبھی عمر ہے لنگھی اتے گوگی اک نہیں پکی

مسجد بیہندا مندر بیہندا جے میں پنکھ پکھیرو ہوندا
ویلا جد وی آوندا راول اوٹھے ای نیت کھلوندا

بنہاں ہتھ میں سجدے جاواں منکے گن گن مچاں
دس کے فرض نمازاں پڑھیاں حوراں خاطر نچاں

کنڈے ڈاہ ڈاہ راہاں دے وچ بیٹھے بال نیاں
ہوگئی راول یار سرکھیا سمجھن لوک سیانے

پنج دے وچوں آب نے کڈھیا دھرتی میری سنگی
پہریداراں گھیو وی کھادا ریہہ گئی روٹی رگھی

سگیاں دی اس گنتی اندر راول کج گنویسی
گندے دانے وچ کھلواڑے آن کے جودھا پھسیسی

اللہ ہو دا ورد ہے سوکھا اوکھی گل سلطانی
ساڑ سواہ کر دینی راول عشقے والی بانی

پتر ہاں میں دھرتی دا غدار کہاوندہاں
جد وی بلبھے والے راول گیت سُناوداں ہاں

اَل مُصَلِّ اتسی نالے چھڈ لیلی لئی مچنا
 اج تے راول اوکھا ہويا وچ پڑاں دے نچنا

نفی تاں سکھ لے پہلے مُلاں فراگلا سمجھائیں
 پلے تیرے الف نہ جاہلا ب توں بیٹھ پڑھائیں

اس کی پار لگانا جیہڑا راہ سولی دے جھکیا
 سر دی بازی اُسکی لاوئی شاہاں دے جو وکیا

لوکاں دین دھرم دے ناویں لٹ دے کھیڈے چالے
گوہڑی نیندر حاوی جاپے اساں پیتے بھنگ پیالے

چھڈیں غفلت راول سائیاں ہو گئے سون بتیرے
کلنی بانگاں دیون چھڈ گئے، چھڈ گئے کاگ بنیرے

جج اساڈا جھنگ ول ہوندا چل رانجھن دے مگرے
راول کراں طواف میں سوہنا گل ساجن دی پنگرے

کوئی نہ جلی گلی جسدی اُس دا کعبے کی؟
 پنچے رکن توں پورے کرنے اٹھ فقیرا پی

کئی اُسارن گلی آئے کئی تاں بھرن بھڑولے
 ساڈے لئی تے ساہ وی گھٹنا راول جی نے رولے

ڈونگھی سوچ دے کھوبھے راول کھبنا پار لگاوے
 سچ دے بھارے پلے ڈبنا کدے نہ ہار کہاوے

بدلیا یار زمانہ راول بدل گئیاں تقدیراں
 بنیہا سانوں مالک نے اج نویاں وچ زنجیراں

شیطان وی مگرے آپے لاویں آپے نفس دا کھیڑا
 دوزخ کیوں فر کھاتے میرے کم اوہناں دا بھڑا

میری دھرتی اُتے راول ویکھیں خوف دے پھرے
 قاتل نظراں موہرے کھڑیا دس نہ سکے چھرے

عشق دی ریت چلاون والا اگ نوں پھل بناون والا
 رُجھ گیا باہلا راول سائیاں کربل مینہہ ورساون والا

عقل دا بھانڈا بوڑا جسدا دیوے بھن بھن رکھدا
 وچ ہنیرے جگنو راول ہور وی بچ بچ بھکدا

شیشے موہرے عالم سارا بُوہلی بن بن دھاوے
 اندر والے کوہڑ نوں خبرے کیہڑی ملہم سکھاوے

کر لے حیلہ کنڈھے لگ توں چھڈ دے آس لگانی
مُر نہیں راول جگ تے آونا اکو ہے زندگانی

عالم فاضل انج دے ہوندے اج دے دور دے اندر
دس کے جانڈے وچ مسیتی بیہندے جا کے مندر

سچ دا کھرا نہ لبھیا راول لبھدی خلقت پار گئی
گنڈھاں کھولن بیٹھی میں تے جیون سارا ہار گئی

کسے دا پنچناں یار عبادت کسے دے سجدے ٹکراں
 ڈوب کے رکھنا راول سائیاں کھیڈاں نالے مکراں

بانگ ملی تے دیگر ڈھل گئی صفاں مسیتی نہیں بنیاں
 سنہاں لاون آگئے راول اساں کماناں نہیں تنیاں

اُٹھے تے کچھ کریئے راول سفل ہووے زندگانی
 اج پنچواں رُوں دے وانگوں پڑھیئے انج دی بانی

ادھرڑ کے تاں کنی نہ آوے بیٹھا پیڑے لبھدا
گندگی دے وچ تاہیوں راول گوڈے گوڈے کھبدا

پکھ اساڈا مار کے رکھیا ویکھو لاش بنائی
اس حالے وچ کنج میں راول دیواں عید ودھائی

جج ڈھکن دے ویلے کوئی نہ مارے پٹ بنیرے
انج نے مینڈی دھرتی اُتے کھلرے گھور ہنیرے

کنکاں نے جد سٹے میں تے ہتھاں نے وچ ڈھوئے
 وگ وگ جاوَن تلیاں وچوں لہو نے راول پُھو ہے

متھا ٹیکن راول آیا پڑھی نماز مسیتی
 من حرامی بدل نہ سکیا ودھ گئی ہور پلیتی

میں وی علوی رضوی ہوندا ہوندا سید غازی
 لُٹ کے مال غنیمت جیکر بھکھا کھاندا تازی

ایہہ نہیں کم فقیری راول دوری چکنی ڈیک لگانی
چسکی والی مٹھ نہ توڑیں جیکر اوہدے سنگ نبھانی

ڈاہڈے چوگ کھلاری میرا دیس پنجاب چھڈایا
ٹاپاں نے ہک ٹوٹے راول تگڑی ناچ نچایا

جد وی صفتاں لکھیاں راول نام لکھے جا میراں دے
ایہہ نے حماں میرے ولوں قصے رانجھن ہیراں دے

اکھ لگن دا چارہ بنیا عشق دُ لانگھاں پٹیاں
لوکاں تہمت لائی راول کھول کے بیٹھے ہٹیاں

ڈنگر ڈھور نے راول سارے وسب کریندے کو
ہک نی گنتی پئی نہ پلے پان کھلارے دو

فر نہ اینج دے جھکھڑ جھلن میری دھرتی اُتے
ادھے اڈ جان نہیرے راول ادھے زڑھ جان سستے

رِڑک رِڑک ادھر رِڑکا حا کو پانی کَنیاں ٹُوہلے
پھاہیاں والا حَکَم سَناوے جد وی راول بولے

صفت تیرے وچ اک نہ راول مل کے بہیں مسیت
چھڈ دھرکانا کُنیاں نوں ہیں باہلا آپ پلِیت

دسے پل صراط تے ٹرنا جیوں ٹرنا تلوار تے
نالے مُلاں نچے راول مایا دی چھنڑکار تے

مینڈی وچ عبادت پایا خلل ہے تینڈیاں بانگاں
مساں راولؔ نچنا سکھیا سُر وچ آ کے سازاں

ابراہیم دے ویلے جیہڑے کعبے سی بُت نچدے
اوہ وی تے سن راولؔ کولوں یار کراندے سجدے

بھک ہی جا پے نام اُچارے، جیہڑی صد پنج وقتی مارے
گھنچے نوح جد ویلیوں راولؔ، روہڑھ دیوے اوہ ڈھارے

جیہڑا سو سو منکے پھیرے سو پاسے ہی رہڑدا
میں تاں راول اک ای من کے اک منکے تے پڑدا

ہاں مٹی گارا چکڑ تھو بانٹ نت گھردا میں
کیہڑا کون تے کاہنوں کیوں لبھدا پھردا میں

مورکھ چورتے کوہڑا راول دنیاوالے دیس
صفت فقیری اوکھی یارو سوکھ وٹانا بھیس

مخلوق اسیں ہو اشرف گئے پر گر نہیں ویلا چھانگن دا
 ڈھنگ نہ سکھیا کتیاں توں اساں وانگ ولّیاں جاگن دا

کنک دا دانا جلی گلی میری واری بُھلنی؟
 میں تے اٹ کھڑکا لانا جس دن تکرّی تثنی

اُس دا تھاں ٹکانا دس دن عرش معلیٰ
 جیہڑا کعبے لبھن جاوے اوہ تاں راول جھلا

جیکر کعبے وسدا لوکو جاندیاں رُہڑھ انج قدریں
 ویکھ جواری زانی راول نہاندے وچ سمندراں

اوہ تاں وچ مسیتے کائی نہ نہ ہی ریہندا سجدے
 نہیں تے قہر وسماندے جُڑے ملے راول اج دے

سُکھ دا کون ٹکانا دے چھان لئیاں سب تھانواں
 راول وچ نصیباں لکھیا آپ ہلا توں بانہواں

شاہ تے مورکھ آپ بنڑاویں آپ پوائیں بھنگڑے
پھلاں دے نال کنڈے راول کنکاں دے راہ بھکھڑے

باہلیاں علماں والے ہوسن عاشق نہیں ہن جھلے
ابوذر ورگے دور سٹیندے جد اُتر نہ ہوندے پلے

ڈھولک یا تلوار تے نچنا نچنا اکو کار
تلیاں چھالے چھالے راول جُتہ تارو تار

وحدت والے عشق دے اندر سُر ہی یار عبادت
گھمن گھیری دھرتی والی کردی پھرے ریاضت

بھر بھگتانی کو ہڑھے راولِ ذلتاں بھر ہرجانہ
پین گیا سیں جتھے سبھاں ڈھا آیا میخانہ

مر جاسیں تُوں نال تریہاں گت نہ گچیاں تنداں
کچے سوتر گنڈھاں راولِ ٹُٹسن گھوہ دیاں ٹنڈاں

بلھے دسیا کوڑا ملا کوڑ گیا ہے چُھو
مُرشد والے نقطے راول نچے میری رُوح

روزے نال نمازاں چھڈ تُوں عشق دے وچ دیوانہ ھو
اگ نوں سمجھ کے پھل ہے پنخا اتنا تُوں بیگانہ ھو

میں نہیں ڈرنا ڈڑکیاں کولوں پنخاں وچ بازار
حق دیاں راہیاں دا نہیں سردا دنیا لیندی سار

آپے تھوہرتے گلر سارے آپے جے سُولاں
آپ اُجاڑی وسدی بیٹھک آپ ہلایاں چولاں

دونواں عشق نمازاں پڑھیاں متھے تلک گھڑایا
کنج گناں میں کافر جیہناں ہتھیں آپ لگایا

لکھ نہ ذات صفات میں رکھاں لکھ نہ میرے پلے
خورے کیوں ہے پیتی راول جیہڑی پیندے جھلے

تاراں چھیڑ دے دیاں منا موہرا چھان چھنیوے
روح دی پاکی کریئے راول بھنگڑا سوت پویوے

جہناں کدے اعتبار نہ کیتے حق دیاں گلاں اُتے
پھرن آوارے گلایاں اندر بن کھسموں جیوں گئے

دین لیا دھرتی اُتے دسدے امن وامان
دیکھ پھرولی پوٹھی راول قاتل لیندے جان

کچھلی راتیں یارِ ثناور سون نہ دتا، آن ہلونے مارے
اٹھیں راول پائیں بھنگڑا میں چڑھیا ہاں کھارے

جدوں دا ٹُریا یارِ ثناور سُکھ وی ہوئے تتر
کتھوں لبھے راول دس جا تیرے ورگا مٹر

جنگل دے وچ رنگنا بھلیوں، تاہیوں وانگ تُوں ٹوڈے
لہ گیا ویلا راول تیرا، کھچک گئے نے گوڈے

راوی تے چناب ہے کھویا میتھوں پہریداراں
 ڈاڈھی کیتی نال پنجا بے شمر دیاں کرداراں

اک پاسے نے بالک مردے تھردیاں وچ میداناں
 دوجے پاسے شاہ سنگ کُتا جھوٹے وچ اسماناں

عالم نہیں اوہ علماں والے عشق دے نہیں اوہ سکے
 پانی جہناں نے بند نے کیتے خیمے ساڑ کے رکھے

جوا کھیڈن خوراں ویکھن پین شراب طعورے
چل راول چل کعبے چلیے کسب نویں شاہ ٹورے

راکھی کریئے پیلو دی، سروٹ اگا کس کاری
اگے لوکاں عمراں گالیاں، خاباں نے مت ماری

اٹھنا بہنا جھکنا کی ہے ساری رقص کہانی
قصہ کوڑا راول سائیاں ملے والی بانی

اَلشُّورُ دے چانن بھانویں، جگ سارا رُشنا یا ہے
 گلّی ساڈی کاہنوں راول، گھپ ہنیرا چھایا ہے

جیکر گھانی گیڑیاں لہھے بن جاواں میں تیلی
 من سٹھریواں میل کراوے چادر بھانویں میلی

چرخا کتنا مول نہ جانن، جہناں بن سوتر دے کتیاں
 نائب نہیں اوہ نبیاں دے جہناں ایویں بانگاں دتیاں

گھونگھٹ اوہلے مکھڑا تیرا ناچن گُر کبج سکھاں
اصل حقیقت راول جانے سنگ ناچے جو لکھاں

جیوندے نے ہر دور دے کافر مر گئے ملّا مولے
سچ سنا گئے جیہڑے راول قبر اوہناں دی بولے

جاگن والی رُتے
آپ پئے آں سُتے
گُتے ساتھوں اُتے

چارے گٹھاں کالیاں دیوا جگے نہ کو
 وچ چورستے راولا نہ میلے بانے دھو

ڈھونڈھن آیا راول تینوں کر کر لمے پینڈے
 اوڑک قاتل لبھیا مینوں مڑیا کول میں تینڈے

اُنجے بلھیا جان مسیتی اُنجے لاندے سانگاں
 اَجے وی نیتاں پرکھن والے سُنڈے اُچیاں بانگاں

جد لگن سجن دی لے ڈھوک، آ من دے ویہڑے بیہندی
انگ انگ بھنگڑے پاندا راول، روح ردھماں وچ ریہندی

اتنا منگیں راولا جیہڑا سامھے سرت لوڑیندا
کاٹھ نی روٹی دسی فریدے باہلا ان بوڑیندا

حق دے راہ بہوں اوکھے راول سوکھی جند ہنڈانی
پانی کدے نہ کنی اوٹھاوے لکھ پیا رڑک مدھانی

تیرے گھر وی کافی ونڈ پئی ہوندی نال فقیراں
شاہاں کعبے درشن ملدے راول ہوندے لیراں

بوکر روز توں دیویں راول کوڑا باہر نہ کڈھیں
پرکھ نہ بھوجن آیا کتھوں بھورا یار نہ چھڈیں

سنھاں لالا جیہڑی راول کیتی خوب کمائی
پنچ گز لٹھا ہتھ نہ آیا اینویں کند چھلوائی

عاشور دی راتیں کربل والے جد چراغ بجھائے
سنگیاں آ کے اپنے ہتھیں اس دے باغ ونجائے

سونا ریشم مڑھ مڑھ بیٹھا گھر سجوندا ہیں
تھوبا وچوں مٹی دا جیہڑا شاہ اکھواندا ہیں

میں تاں چور اچکا راول پھڑنا ویکھ دروغے
لگ نہیں ہونی چوری جیہڑا پاپ لکایا چوغے

کنکاں دے توں دانے کولوں ویکھیں راول بچنا
 تلکن والے ویہڑے جد توں مست وستی نچنا

جیون سارا جرم ہے راول موت نوں ڈنڈ ہے بھرنا
 عشقے وچ جو خاک نہ ہو یا اس کی سجدہ کرنا

ڈھولک دھریئے ویہڑے راول گیت سجن دے گائیے
 جنگ چڑھے وچ پرہیا یارا انج دے بھنگڑے پایے

وکیھ نہ راول اوہناں ولے بانا پھبدہ جھلیاں والا
 بوٹا لالے کرماں دا توں دعویٰ چھڈ مُصلیاں والا

جینا اوکھا راول ہوندا رنگ درویشی والے
 قتل ہوئے نے ویلے ہتھوں دیوے جس وی بالے

جیہڑیاں پاپا توں پوشاکاں دسیں لوکاں تائیں
 اوہناں اندر ستر کجیوے کدوے سوہنے سائیں

الف اللہ دا گھیرا لبھاں لبھے انت نہ کائی
یار پیغمبراں لبھیا جد اُس آپے جوت جگائی

اج وی بلیھا لبھدا راول مٹی دے وچ گارے
کتھوں آیا کتھے جانا مٹی دے اس ڈھارے

پلے کدے نہ پائیے راول لوبھ کرودھ تے ہنک ہنکار
بچناں تاں ای جنڈری نہیں تے ڈبناں ادھ وچکار

عشق دی چلہی بال ہڈاں نوں راول درد بُھنایے
ویلا جد وی پرکھن آوے سولی تے چڑھ جاییے

بھٹھی تاون لگیاں جد نہ ڈھیور من چتیاوے
تاں فر مکھن پیڑا راول لبھدیاں ہتھ نہ آوے

نہ قتل دے فتوے لایا کر توں ملا دس کیوں آخر ایں
کدے ویکھ ہواواں پچھیا اے توں کلمہ گویا کافر ایں

دین دھرم دی گل ہے وکھری عشق دا پینڈا وکھرا
مصر بازار کی وکنا جانے اج دا منلن تکھرا

پلے جس دے پیا نہ راول دسیا اس غدار ہاں میں
نیڑیوں ہو کے ویکھ لو جے ماں دے گلے دا ہار میں

اندر جیہڑا ہو ہے راول اوہی بھگت ہے جگدا
نور ای نور ہے دنیا اُتے اندر جس دا مکھدا

دَسدا نہیں کوئی سب جاندے نے ٹھگ نوں
 کدے کھیڈا ہے آپ کدے کھڈاوے جگ نوں

وارث ہتھیں ہیر سنیہا رانجھن نوں انج گھلیا
 راول میرا جھنگ دے ولے کرن طواف ہے چلیا

نانک پرتیا گھر اپنے میں لڈدی پھراں اج لانگھے
 چل فریدا کر سواگت سودے کوئی نہیں ماہنگے

راول یار نبجھٹھنا جانے عشق دیاں ہر رازاں
 کو لے رکھ توں روزے نالے کو لے رکھ نمازاں

ہس کے سولی چم لیندے منصور جئے سب سچے
 اکو دھو وچ لیہ جان راول رنگ جیہڑے نے کچے

اک دُوجے نوں کافر دسن میں وی مگرے ٹریا جاں
 ہر اک پاسے جپدے پئے نے رل مل سارے اُس داناں

اکبر کولوں دُلا راول کدے نہیں گھبرایا
ہمت کیتی جد وی خلقت نواں سویرا آیا

چل رکھ موڈھے بھالے برچھی سٹ پرانہ نوں سوت
جھوجھ کے جینا جینا راول سکھ دا جینا موت

اسی قاضی کی تے شاہاں سب کردار نبھائیے
اساں سامبھے چارے گٹھ اسی پہریدار کہایے

ہر دم بلہاں دے وچ ریہندا
جے نا زہر پیالہ ہوندا

اُس ٹھگڑے دی گُن تے ریہندی وچے یار ادھوری
جے نا چکھدا راول سائیاں کنکاں والی توڑی

کدیں تے سوچیں پئے کے تکنہ کیتا کیہڑا کارا
کیہنوں پھاہے لایا وے لوکو کیہنوں مار مکایا

کتھے گیا اوہ رعب اساڈا کتھے گئیاں اوہ بڑہکاں
خالی بھانڈے وانگوں راول سڑک پیا ہن کھڑکاں

قبراں دے توں یار ڈراوے دے نا بہت فقیراں
دوزخ والی اگ لئی راول کی بچیا وچ لیراں

کوڑی گل ہے لمی مورکھ اج دی خبر نہ کائی
تک کھلواڑے کاہدے لئی توں ان دی ڈھیری لائی

ہمب نہ جاویں راول سائیاں بے ٹوئے تھوڑے
گندی رت نوں صاف کریندے تمبے بھاویں کوڑے

بُٹاں اگے بھیج بھیج سجدے کعبے آوندے ڈھانے
مدھنے پھل نے سوکھے راول اوکھے فرض نبھانے

جھنگ دی دھرتی عشق دا کعبہ ہیر ہووے یا دریا
جتے راتھے وانگوں جہلم وچ چنابے تریا

کلمے سنگ صلوٰۃ ہنڈائی زندگی ساری روہڑھی
کھیڈ انا لُحَقّ دی راول عشق دی پہلی پوڑھی

شام سویرے لبھدا ساں میں اپنے آپ نوں آپے
لوکاں بھانے بھگت سی راول بھگتی کردا جاپے

کی پڑھیا توں راول سائیاں عشق دی پٹی اندر
نہ توں ویکھ ضراری ڈھائی نہ ای من دا مندر

کیہڑے حکم نے رب دے یارو مذہب خدا دے کیہڑے
جیکر یار نوں ملنا راول چل مستان دے ویہڑے

ہیر دے ناں تے جھنگ وچ کیدو کنج نے لیکاں واہیاں
دس کے کعبے لے گیا مندر انج دیاں ٹھگیاں لائیاں

میری دید نے دتی تینوں دنیا وچ وڈیائی
توں تے ازلوں چپ چپتا بیٹھاسیں ہرجائی

بولیں یار بے دید نہ ہونیں تک سولی دے تختے
ایہہ تاں راول اوہیو کھٹدے اُچ جیہناں دے بختے

دس کے کعبہ دھرتی ونڈی اُس سمے دے باطل
یا فر کعبے اُجے وی بیٹھا اُس سمے دا قاتل

میں تے رڑے مدانے وسدا نہ کوئی جلی گلی
ایہن لہے یا برکھا راول چھٹی اُس نوں گھلی

تِن تِن کردی تو بنے والی تار دے اندر تُوں
 بلھے والے گھنگھرواں دی چھنکار دے اندر تُوں

کنکاں نے ہک دانے ساتھوں کیڈی کار کرائی
 بن جلی بن گلی راول لمی بھکھ ہنڈائی

دس اتوادی اوہ پیا پاندا لاش میری تے پیلاں
 اٹھ کھڑ راول اگاں لایے حا کو والیاں محلاں

میں تے چیت اڈیکاں بیٹھامت ایہہ مکے ہاڑ
 اوہدے ولوں آن سنیہے جندڑی بیہہ کے کاہڑ

کعبے سجدہ اُس نوں گنیا مندر سجدہ بُت نوں
 دونواں تھانویں پتھر گڈے کنج بچاواں پت نوں

ان ونڈن تے تُوں سیں بیٹھا میں کیوں بھکھ ہنڈائی
 گتھلی رکھ کے موہرے پچھساں کی لکھیا ہرجائی

تہمت لاون والے راول کافر آکھن، آکھن پئے غدار
گھنگھرو بنھہ کے نچن والا، میں مستان دایار

ماں مٹی نوں سجدہ کریئے حکم جو ازلوں آیا
سجدے دا جو منکر راول اوہ ابلیس کہایا

لکھ پئے کافر کافر آکھن میں دربار نہیں جھکنا
بوزر بوزر پرشن کرنے جا بیلے نہیں رکنا

کالیاں پتنوں گھڑا میں بھریا تینڈیاں وچ اڈیکاں مریا
جتن میں کیہتے سارے راول درشن والے پتن نہ تریا

ساونا وے ساونا آ وں توں یار دے ویہڑے
فیر چناب بھریوے سوہنی راگ عشق دا چھیڑے

نوری ناری متھا ٹیکن میں مٹی میں خاک
ابلا ایس کہاوندے منکر ہو جاندے ناپاک

کچھلی یار کتاب میں پڑھیا کنج بندوقاں بنڑیاں
جد وی موہری آپ روتیاں ٹاہلیاں بھن کے رکھیاں

نفس دی موت ہے راول سائیں قلب دی اچی تان
من دے نور نوں جاگ لگا توں اپنا آپ پچھان

آپ پڑھائیاں پٹیاں مینوں آپ پڑھایا ای لاالا
میں پڑھیا تے وعظو آکھے محفل چھڈ اوئے کافرا

تُوں دِسیا وِچ رانجھے مینوں تُوں دِسیا وِچ سسی
 رولن سکھ لئی وِچ تھلاں جد راول جندڑی تسی

جس وکنا جھکنا نہیں سکھیا اج شاہ دسیا غدار نے اوہ
 جو ممبرسا مہی بیٹھے نے ہائے راول جی بیمار نے اوہ

اک ای ورد پکا تُوں راول کنڈھے لگن والا
 سوتر چھڑیں گھنگرو بنھیں ڈھول ہے وجن والا

جاں ننگے پیریں سولاں تے جد تلن دیون مجنوں جی
 فر عشق دا چولا تن پیندا فر منزل لبھدی سجنوں جی

پاپی بوٹا آپ ہی لایا آپ ہی دسیا راول کول بلا کے
 کی کرنا اُس جنت دا جتھوں کڈھیا ای آپ وِلا کے

جدوں کچے گھڑے تے چڑھ کے اساں وچ دریاواں ترنا
 فر جنت نوں کی کرنا وے راول جنت نوں کی کرنا

لہو دے نال نہ رنگو سجنوں ورتے زمیاں والے
کنج اگاساں ان بالاں دا چکیاں پیہسن گالے

جدوں دا راول عشق سیاپا جندڑی دے گل پایا
یاداں اُسدیاں سون نہ دتا ساری رات جگایا

عشق پنگھوڑے ربّا کاہنوں چھڈ جاندا ہے
بوٹ ہی ریہون پرلاندہا ہیں اڈ جاندا ہے

اکھیوں اُوہلے کدے نہیں ہونا سد ماری جد سانول نے
مٹی دے وچ پور کے دیکھو فر اُگ پینا راول نے

دوش دیویں تُوں نور نوں بیٹھا جد آپے جاگ نہ لائی
شکوے کنج کریں تُوں راول اکھے داتے دات نہ پائی

نام شریعت ملے نے سی جگ نوں خوب ستایا
تاں فر حجرہ راول تیرا بلّھے دے سنگ ڈھایا

حکم بنا کد تیرے کھسماں، دن تے رات ہے آئی
 اِزن ہويا جد راول نوں، تاں فر گھٹ لگائی

اگ ہے بالی چلے اندر تاں فر ددھ ہے کڑھیا
 نال ہنیرے جھوجھیا راول ایویں نہیں دن چڑھیا

سُرتے ساز ہے قدرت رب دی مُلاں کاہنوں دڑکے
 ڈھول و جے جد راول سائیاں انگ انگ آپے پھڑکے

وچ دربارے سیس جھکاندا راول نہ دودھاری ہوندا
 ویلے سر جے گل کرلیندا توں وی یار لکھاری ہوندا

قتل ہوئی سی خلقت راول جد سی کوٹھا چڑھیا
 اج وی اودھر کفر نے وڈھیا ایدھر فوجاں دڑیا

لکھ نہیں لینا دینا ساقی بوتل ملاں بانگی دا
 ہن بھنگڑے راول مستاں دے نہیں یار تماشہ سانگی دا

شاہ نوں چلھی ڈاھیے راول جگ دی کنی چاہڑاں
 بالن گھٹیا جیہناں دے کارن اوہو ٹانڈے ساڑاں

بوٹے لاندے رہیے ہردم آس نہ رکھیے میوے دی
 انج دے یار بنائیے راول لوڑ رہے نہ دیوے دی

اُس دے گھر چل پتھر مارن آ چل ریت نبھاون چلیے
 بُت اُسارے من کافر نے چل اوہ سارے ڈھاون چلیے

خودی دا فلسفہ جیہڑا اے راول ڈھونگ ہے سارا رچایا گیا اے
 خیالاں نوں اچیاں دساوَن دے لئی پہاڑی تے چڑھنا دسایا گیا اے

یار دا جد میں در کھڑکایا خورے کاہنوں من گھبرایا
 آپ سی راول بوہے آیا کعبے دا اُس ڈھونگ رچایا

اُس جنتے کی رکھیا جتھے مُلاں ڈھاک تے ہوسی
 کفر دے فتویاں کولوں راول دوزخ پاک تے ہوسی

بُھکھ ای دھرم گیان اساڈا بُھکھ ای مان بھروسہ
 بُھکھیاں جنگ کدے نہیں جتی بمب نرا نے شوشہ

چل راول چل بھٹھی تاون برچھیاں سب ترشول میں گالاں
 ڈھا کے فوجی بارکاں اوتھے درس گیان دے دیوے بالاں

داکھاں تے سی نظر اوہناں دی تاں ای ربّا دڑ وٹ گئے ن لے
 بوٹ سہارے لبھیا جیہناں جنت راول اوہ کھٹ گئے نے

چار رکعتاں پڑھ پڑھ لبھیں عشق شراب کباب توں مُلاں
جنت والے دھوکھے اندر لبھدا پھریں شباب توں مُلاں

اٹھاراں اٹھاراں دی ایہہ گردان جیہڑی پکاندے نے پئے
سیاست نوں راول کنجری بنا کے نچاندے نے پئے

کُوڑ دا بھانڈا ٹُٹ گیا جد لکنا کیہڑے بھانڈے
ٹاہلی ناویں وتچے راول گٹھڑی بنھ کے ٹانڈے

سوچ وچار تے جرم ہے راول میری وستی اندر
سرتے کپڑے پاڑ کے رکھن قابض نے جو بندر

یاری والی پرکھ نہ کریئے کدے وی اوکھے ویلے
ہردم لا کے رکھئے راول گلی دے وچ میلے

چُپ دا روزہ تُوڑ تُوں کافر بانگ ہوئی ہے ویلے دی
دیوے بال کے رکھ تُوں راول رَوَنک لایئے میلے دی

جنت ورگے ویہڑے اندر جہلاں نے گندپایا
میں ہاں چوڑھا دھرتی ماں دا میلہ ڈھون آیا

لوکی بھج بھج اُس ول جانڈے جس زکھ دے پھل چھانگن جوگے
پتر جیہناں دے سڑ گئے راول اوہ ہی زکھ نے سائمن جوگے

ٹھگڑیا تینڈی وچ خدائی روڑی ریہا میں بیٹھا
شاہداں ہتھ سی بھی روٹی چوراں ہتھ سی پیٹھا

کی کر لینا دوزخ تیری عشق سمندر سانول دا
 سچ دی اگ وچ پھلاں وانگوں کھڑدے ہوئے راول دا

رب ای جانے کتھے ٹر گئے نال پہاڑاں کھیندے سن جو
 جنگاں دے وچ گئی دے نال لشکر پورا پھیندے سن جو

گلاں کرنیاں سوکھیاں راول پینڈے ڈاہڈے تھلاں دے
 عاشقاں منل کدے نہیں منگے نیلیاں ہوئیاں کھلاں دے

فر کیس راکھی کیتی ہے دُٹے والیاں راہواں دی
 دسری پئی اے راوِلا مینوں مہک ہواواں دی

من ہسڑن دا کارن لبھا گھر اُس دے اگ لائی
 رانجھے کولوں ہیر گھسا کے کھیڑیاں دے ہتھ پائی

جس بوٹے دے کارن راوِلا اُس مینوں بے گھر سی کیتا
 اُس بوٹے نوں دے سرداری اُس وچ ہوئیوں قید پلیتا

جد وی کُو ہڑا مورکھ کوئی رازی سٹراں سمجھ نہ پایا
لکھوں لکھ دا ہویا راول باندر ہتھ جد ریشم آیا

پہلے حا کو بندے گھلے میری جنت ڈھاون
فراوہ قاتل آپے آیا لاشاں دا مل پاون

عسی ورگے قاضی راول گھٹ گھٹ جمنیاں مانواں
دیویاں وانگر بنے جیہڑے روشن ہونیاں راہواں

تیریاں انج گواہیاں دتیاں سُن اسمانی سیٹھا
 کدے میں رُلیا گلیاں اندر کدے میں تختیں بیٹھا

پانی جیکر سِپ لکھنا سی، تُوں میرے وچ کھاتے
 دسیں فر کیوں راول سارے مٹی دے نال تھاپے

سنگ تلواراں راج سی کیتا جیہناں دانشمنداں
 ویلا جد دانش دا آیا رُلیاں اوہناں دیاں سنداں

وستی اپنی آ کے تک لے حالت تُوں سچیا راں نی
لوکی آکھن دڑ وٹ راول صف ودھنی غداراں نی

پنج چہائیں پنج کچیاں نے پنجاں ویلے گھرنا
میہنوال نے اگوں آونا اے یا عشقے خالی ترنا

نال ہے جھیرا حاکو میرا میں ہاں یار مصلی
کھو لئی ساری ٹاپ نے میتھوں لتھ گئی میری جلی

جو نال زمانے ٹردے نہیں
اوہ ویہلڑ پچھے ریہہ جاندے

لکھاں وار تُوں سجدے کیتے من دا گیا نہ چور
توں ہیں یار مسیتل راول تُوں ایں حلوے خور

آپے علم کتاباں لکھیاں دتیاں آپ گواہیں
عشق دی سُولی آپ بنا کے چڑھ گیا راول سائیں

تینوں لبھن خاطر میں تاں انج نے دیوے بالے
تیری گن سوارن کیتے ہتھاں پچ پالے چھالے

منزل کی لبھنی جد دیہنہ ہی ڈھلک گیا
بوڑا ہونا اس گھڑے نے جیہڑا تلک گیا

ڈلے تے چل کھرلے وانگوں اُلٹ کے رکھیے حاکو نوں
وچ صحرا دے رُم کے رکھنا گھیرا پائیے ڈاکو نوں

مائے نی توں لیڈر جے باہلے کامے جے کو
جو کھلری میل چوفیرے ہُن کلی بیہہ کے دھو

ہک آس تاں جگنی رہنی اے تُوں ویکھ پکھیرو آنے ون
انج ڈھانہ گلی راول نی آ کاگ بنیرے بانے ون

راہ پکیرے جد نہ ٹُریا کچی سڑک پیا
پلے لکھ ریہا نہ راول ویلا تھڑک گیا

سانجھ بنا کے رکھنی راول سانجھی گل ہے کرنی
 پیراں تے جاگیراں لٹ کے تھل دی بکل بھرنی

یار دے ولے جاواں جا کے دوریاں دی کندھ ڈھاواں
 زسیاں نوں فرچم راول ہتھیں آپ مناواں

رل کوٹ مٹھن دے جاساں اُتھے لٹ کے تھانے آساں
 جھیرے وچ انعام کھٹچے اوہ ساڑ ٹھکانے باھساں

اسی وچ بنگال دے رہے ہاں لمے دھوکھے کھاندے
نال بندوقاں راؤلا دل نہیں جتے جاندے

بلہیا آکے ویکھیں اوئے اساں پشواں وانگوں گھاہ کھاندے
جو پالے راشک ہتھیں نے اوہ کھل اساڈی نت لاہندے

نال بندوقاں گڈ نہیں ہوندى دھرتی تے ہریالی
ویکھیں راؤل گم نہ جائیے چھا گئی رات جو کالی

اک ویلا سی یزید وی راول چھایا سی
 اُس قاتل نے وی نور منارا ڈھایا سی

من دا چل بُت خانہ ڈھائیے حجرے نوں اگ لا کے
 پیریں جھانجھر بنھ کے راول متھے تلک لگا کے

بت پرستی ہور ہے راول مٹی دے رنگ ہور
 عالم فاضل نام رکھاندے وچوں بستہ چور

آپا مار کے ہتھ جو رکھن آن یتیمیاں تائیں
 انج نے پرکھ ہی دنیا اندر ربی روپ نے سائیں

جیہڑی اگ وچ آپ سڑے او اس دی واری اوہ نہ بالو
 اگ تے راول اگ ہوندی اے اگ توں سارے لوک بچالو

تدبیر کرو کوئی راول جی اس پنجرے دا در کھولن دی
 واج نہیں آوندی پئی سجنوں اتھے کوئل دے فر بولن دی

جے یار دے نا توں سنگ کرنا فر آن درگڑیں دے بانگاں
 اِس ہونے عالم وچ راول چل بوذر وانگوں رُکھ چھانگاں

ہر پاسے میں نظر پھرائی چارے پاسے قبران ن ے
 جینا بندہ کوئی نہیں راول بوہے بھیڑے ٹبراں نے

موت مینڈی دا کارن دسدے اوہنے پینڈا کچھ لیا جیون دا
 رنداں تہمت لائی میں تے ڈھنگ نہیں سی مینوں پیون دا

سَن مِٹّی دے اوہ گارے راول کِتنے یار پکیرے
 ڈھاوَن لگیاں جہناں نوں سَجَنو حاں سَن جانَدے چیرے

وچ درگڑیں پھل کھلارے اوہناں ای یار فقیراں
 جیہناں راول نکل مدانے تن من کیتا لیراں

کشمیری پتر دی ہاک

کوئی پچھے اس دے پتراں نوں
کی دسدا ہے اوہ متراں نوں

کد ٹٹنی اوہ زنجیر میاں
جس بنیہا وچ کشمیر میاں
کد پچھ گچھ ہوسی بابے توں
ہائے پنڈی والے ڈھابے توں
کد ہتھ وچ لیسے لتراں نوں

انج ٹٹنی نہیں زنجیر میاں
جس بنیہا وچ کشمیر میاں

اٹھو جاگو پترو نیھرا نے
کیتا دشمن ساڈا بیرا نے
کسی ہور نہیں پانا گھیرا نے
اٹھو آپ ہی پانا پھیرا نے

انج ٹٹنی نہیں زنجیر میاں
جس بنیہا وچ کشمیر میاں

اس پار وی قاتل بیٹھے نے
اس پار وی سارے پیٹھے نے
نہ سمجھیں سانوں گل لاسن
جد ویلا آیا کھل لاہسن

اٹھو سامبھو چنی بھیناں دی
جو کیتی ویری لیر میاں

انج ٹٹنی نہیں زنجیر میاں
جس بنیہا وچ کشمیر میاں
